

仙坡遺稿



國立臺灣大學圖書館



2248304

仙坡遺稿卷三

東京 仙坡勝島翰飛卿著

南瀛詩曆

大正十五年丙寅十月廿五日至十二月十三日

將遊臺灣東蔗庵總督二首

總督山公是故人。天涯飛簡見情真。雲霄明日攀鵬翼。

去作瀛臺東閣賓。

十月樓船截浪行。扶搖九萬算鵬程。茫茫碧海波瀾大。

詩筆何人掣巨鯨。

神戶解纜所見 十月廿九日

埠頭解纜向南瀛。故舊送吾千里行。五彩爛斑絲萬縷。

指端繫得別離情。

內海

星羅島嶼送還迎。遠浦燈光映眼明。今夜船窗神欲旺。

玲瓏月照玉壺城。

三原城
別名

玄海洋

滄溟目斷浩無邊。一鵲遙追萬里船。不識蓬萊何處是。
鎮西山盡水連天。

舟入雞籠

十一月一日

航到南瀛美麗洲。帆檣林立海門頭。魚龍潛影水如鏡。
千尺靈鼉波際浮。

社寮島三首

雞籠港角雪濤翻。榕樹倒垂連理根。一路蕭條仙洞外。
蠣房鮫室別成村。山栽銀蒜野甘藷。時時小艇乘潮去。
滄海投槍刺大魚。千疊石盤連海門。卦圖龜甲印潮痕。欲探蕃字洞中祕。
手攬巖稜躡伏龍。

奉送北白川大妃殿下還駕

一聲汽笛散煙霏。滿艦彩旗翻夕暉。奉送羣黎齊額手。
潮光綠映紫雲衣。

拜臺灣神社恭賦 十一月二日

巍然廟倚碧崔嵬。靈木輝輝瑞色堆。毅魄英魂長不死。

千秋威德鎮三臺。

淡水紅毛城

巍然淡水古城樓。雉堞蜿蜒俯碧流。聞說紅毛老提督。

弓槍昔此禦圭柔。蕃社名

東門官邸觀碁

詩中聖是橘中仙。醉後圍棋夜不眠。勝敗何論賢總督。

每終一局笑欣然。

板橋觀林本源庭園二首 十一月四日

百八巖廊窮復通。板橋亭榭樹籠葱。裴王唱和輞川勝。
移在一園泉石中。

窈窕園林畫景開。水浮荇藻石生苔。青山似迓遠游客。

一笑欣然排闥來。

來青閣

草山雜吟十七首

自邀鶴駕四星霜。草木于今帶寵光。此日叨登貴賓館。

佛桑花底拜餘香。

泉湧峰圍地自靈。白雲如絮襯窗櫺。題楣三字樂山榭。

似對清標江雨亭。

入江侍從長署
樂山榭三字

山高嵐氣自清冷。匝匝峯巒似畫屏。供奉儲皇江侍從。

仙城遺稿 卷三
聽泉更署佩環亭。又題佩環二字

噴水潺潺流觸石。鳴禽磔磔不離林。青天玉立何仙客。

白霧深籠紗帽岑。紗帽山名

禪林長老是曇花。壁上題詩字字斜。筆勢何輸釋懷素。

縱橫腕底掣龍蛇。

湖海誰人不識君。狸山才略本超羣。南游千里知何意。

題帖無心出岫雲。團狸山署無心出岫雲五字

進乎齋者是何人。從善如流四字新。聞說茗溪曾督學。

館開講道養精神。嘉納博士號進乎齋署從善如流四字

以柔爲術鍊筋骸。縛鬼驅神強敵排。一夕醉磨三斗墨。

掣龍勁筆進乎齋。

嵐氣逼肌高閣中。七星山色入簾櫳。坐來風送霏霏雨。

一碧澄天現白虹。

七星山名

先生坐隱欲忘詩。同伴南山亦善棋。我醉夜闌先就枕。

不知幾局決雄雌。

南山高澤技師雅號

三日手談堪養神。憾無公暇共瓊輪。東山仙境君如在。

不賭山莊賭美人。

草山戲柬蕉公

瓶裏安排生色稠。插華神技拔凡儔。何人紹述袁宏道。

東海新開鳳嘯流。

鳳嘯華道流派名

玻璃四牖納青嵐。浴後把杯詩興酣。侍宴佳人勞玉指。

津津香露劈黃柑。

老軀迎客守仙家。想昔妙齡顏若花。治疾華陀術猶拙。

玲瓏白璧帶微瑕。

戲贈
榭婦

健脚登攀意氣振。建巒童子百餘人。仰瞻駐蹕儲皇跡。

感激懷忠小國民。

建巒謂建
成公學

白雲搖曳草山巔。高下樓臺貯涌泉。南國氣暄霜雪少。

櫻花開遍小春天。

熱石焦岩碎更崩。硫煙縷縷化雲騰。川原一白無青草。

山氣氤氳日氣蒸。

北投雜吟二首

十一月五日六日

溫泉水滑淨琉璃。浴後銜杯欲去遲。誰唱離鸞歌一曲。
滿山無樹不相思。

苔石連階水漲潭。將軍遺愛桂花飴。何來翠羽饒情思。

啼遶無名舊草庵。

兒玉總督別墅無名庵

將游臺東臨發有作

十一月七日

鐵路南端工未成。幾人能向石門行。壯心欲討生蕃界。
先上東巡第一程。

赴雞籠車中

萬頃黃雲穰稔秋。火輪曉向海門頭。雞籠氣暖天常雨。
山色模糊日色幽。

舟中望金爪山以下臺東

船傍鼻頭巖角過。一帆影盡渺蒼波。地心深貯黃金脈。

海上連峰瑞色多。鼻頭
岬名

壯夫卓犖產山陰。採鑛奇功用力深。詩筆掣鯨何可比。

空拳一攫萬黃金。山陰人木村某
採金俄致富

舟中調高澤技師

奔騰激浪撲舷頭。巨舶昂低動不休。東道主人唯擁枕。

困眠未一上柁樓。

澳底

澳底灣連貂角東。皇師昔此泊艨艟。親王勵衆披荆棘。

先奏征蠻第一功。

蘇奧四首

蜃氣樓臺翠阜前。空中幻影澹于烟。我聞蘇奧漁人語。
爲憶東坡海市篇。

薄暮泊舟蘇奧濱。海深山近足游鱗。公餘何害子陵興。

時伴漁翁垂釣綸。

東蔗公

來叩柴門虎嶺前。竹翁爲說炭酸泉。玲瓏萬斛瑩于玉。

一掬心澄骨欲仙。

竹中某發
見炭酸泉

冒險詩人意氣豪。夜投蘇奧駕輕舠。南溟海若擲揄甚。

萬丈衝天捲雪濤。

花蓮港四首 十一月八日

風浪排天海若噴。瀛東久恨缺良津。眼前蓮港達難得。
太似寶山空手人。

花蓮一命曰回瀾。彼岸相望到著難。何日築成東海港。

平波如席泊舟安。花蓮港一名回瀾港

傍人驚見血痕鮮。創面輕微祐在天。一笑撫髯談自若。
先生畢竟是神仙。

館婢笄年顏若珠。生蕃綽號小菖蒲。醉酣手捋龍鬚語。

意氣眼中無丈夫。館婢美而獷人呼生蕃菖蒲

三棧橋望三角錐山

突兀錐山見鬼工。棧橋斜架洞門東。畚田借火耕鋤遍。

雞犬人家在半空。

洞門通太魯閣蕃社

花蓮港廳和田某見贈棊筭一雙及蕃人一大瓢

賦此道謝

風雅廳官倒屣邀。殷勤惠贈勝瓊瑤。烏心石製雙棊筭。

剩副蕃人一大瓢。

烏心石木名

蕃市

互市新城

地名

人作團。蕃童蕃婦聚頭看。芭蕉幾擔山堆

寶。不值桃花布半端。

天壁

仙坡遺稿 卷三 七
天壁巉巉鬼削成。勢凌碧漢俯滄瀛。誰窮絕頂七千尺。
先勒摩崖第一名。

太魯閣蕃社竹枝五首

竹籃盛果向城闐。蕃社女兒多美人。可惜千年奇習俗。
文身涅齒損天真。

蕃人起臥瘴氛鄉。攘疾平生自有方。赭黑何嫌唇齒染。
蕉陰日日嚼檳榔。

蕃婦吹烟習作風。氤氳薰徹口唇中。一莖半尺忘憂草。
形狀宛然如竹筒。

美貓已近破瓜年。鬪草拗花還可憐。慣作飛天渺綿戲。

鬪髀架外上鞦韆。

美貓謂未婚蕃女○
飛天渺綿戲謂秋千

蕃人慣險厭平夷。跋涉山河不覺疲。欲拓畬田三百畝。
荊榛放火種蹲鴟。

壽農場二首

十一月十日

鯉魚峯下過青蕪。行見山歸來幾株。夕日西斜紅映發。

燦然萬顆赤珊瑚。

萬頃蔗田青欲波。奇萊

地名

平野接陂陀。炎天我憫吳牛

喘。叩角誰傳甯戚歌。

吳全城遺址

聞說吳全蔡伯王。當時來此拓蕪荒。築將城塞備蕃賊。

仙坡遺稿 卷三
聖代今爲農牧場。

瑞穗溫泉五首

六人乘霽駕輕車。去訪虎頭山下家。寂寞蕃村饒野趣。
風薰百合數莖花。瑞穗村西白石臺。百花競艷一齊開。天高氣爽秋如水。
萬壑雲煙入座來。初月如弓夜色微。數聲風笛散煙霏。涼螢入座飛高下。
照映山人雪白衣。

三妓遙從玉里來。夜陰冒險上崔嵬。蛾眉細似纖纖月。
蟋蟀聲中手捧杯。

河漢橫窗萬壑低。撲衣嵐翠氣清淒。夜深人定山亭寂。
近戶黃鸞噉噉啼。

玉里戲荅人問二首

十一月十一日

國青厓豈國犀東。分府字殊人不同。官界犀東仍黑髮。
青厓夫子白頭翁。

世稱國府必犀東。或說青厓歿已空。今日先生猶健在。
論文每伍少年叢。

新武路文化村

慄悍名傳高地蕃。近來風俗漸溫敦。兒童迎客路傍拜。
絃誦聲聞文化村。

三笠山

白鷺飛飛鳥犢眠。圓巒日暖草生煙。山稱三笠風光輒。
絕似南都四月天。

秀姑巒溪二首

秀姑溪發秀姑巒。山勢東低眼界寬。一白芒花千萬頃。
風生平野涌銀瀾。

乍接高山乍大河。雲烟蓬勃盪胸多。南疆十月秋陽烈。
浴水烏牛浮鼻過。

馬太鞍溪所見二首

八通關險幾人探。穩坐颿輪恣笑談。平野恰成分水嶺。

一流北去一流南。

八通關地名

蓮港以南三百程。群峯左右屹崢嶸。昔游憶起中仙道。盡日亂雲堆裏行。

里壠望蕃界鐵條網二首

雍熙王化遍荒村。出草遺風獨此存。山腹蜿蜒鐵條網。至今警吏備凶蕃。

身棲林莽獸相馴。馘首成風豈本真。彼亦稟生天地裏。翻然悔過是良民。

鹿野溪假橋

岸壞沙崩雪浪飄。激湍下瞰易魂銷。前頭欲度踟躕久。

百尺懸空鐵線橋。

臺東詩電寄蔗庵總督

跋涉山川豈厭勞。幾探蕃界逐猿猱。朝來一擲南航意。
不奈海門風浪高。

卑南望停伯船

船泊海門囚虜同。暮天未得發臺東。舷傾左右檣橫直。
終日動搖風浪中。

首冢

凶蕃遺跡此高邱。架上曾懸萬髑髏。冤氣于今猶鬱積。
天陰月黑鬼啾啾。

呂家溪

行盡卑南東更東。呂家溪上快輪通。夜陰祇見河原闊。
車過奔流石瀨中。

知本樂水亭三首

十一月十日十一日

溪似素縑山翠屏。浴餘對月酌仙醺。他時此興難忘得。
千里神馳樂水亭。

遶樓流水響珊珊。人趁夜涼凭石欄。撈蟹蕃丁不知夜。
手擎篝火照江湍。

濯纓臺在水之涯。環佩溪聲聽不譁。盤上難忘淡風味。

半天筍子小春瓜。

半天筍謂檳榔樹
芽小春瓜謂木瓜

仙城道和 卷三
酒間賦似齋藤臺東廳長二首

廳長風懷醉更真。朗吟徹座玉聲振。爲嫌蕃界荒涼景。
飛電臺東聘美人。

臺東太守喜風流。偷暇且同知本遊。明發欲趨僚友葬。
不眠吟到五更頭。

齋藤廳長見贈野雉五羽及紅頭嶼土偶數十基
賦謝二首

昨夜同君把酒杯。山肴野簌滿盤堆。今朝水閣日昇處。
又見一籃遺雉來。
土偶陳羅數十基。無男無女各懷兒。何當航到紅頭嶼。

細閱南蠻風俗奇。

太麻里途上四首

十一月十二日

太麻里界海天開。地近鶩蠻溽暑催。鳳尾蕉垂林下路。
紅衫蕃女跨牛來。

曉向香蘭

地名

坐轎行。層巒大壑控東瀛。沙汀百里人過

少。祇聽牛車軋軋聲。

籃輿搖蕩似乘舟。行看海濱奇樹稠。不識山丁話何事。
祇聽蠻語鳥鉤輞。

卅人高踏亂雲攀。警吏護輿巖壑間。長槍大馬豪今在。
不似森髯悄度關。

蟹輿調相澤技手

搖兀小輿疑覆顛。有時相後又相先。笑君漫學沙頭蟹。
一路橫行不向前。

親不知子不知二首

親不知兮子不知。行人常說道途危。狂濤驀地無由避。
絕險何唯越海陲。

漁釣生涯計亦酸。屢聞船舶碎狂瀾。海心鐵板紛狼藉。
鱗介雖多下網難。

途上看筵茶果實

夾路筵茶綠葉齊。秋高果實壓枝低。卻無風味堪餐食。

可笑行人誤鳳梨。

寐茶實似鳳梨不可食

大武二首

健脚輿丁傍海潮。蕉林路暗夜蕭條。蕃童涉水擎篝火。

照出溪頭一板橋。

三戶村家傍澗阿。人言此地瘴氛多。任他四面蚊軍逼。

八尺紗幘安樂窩。

蕃界雜詩五首

十二月十三日

籃輿冒曉向崔嵬。雙澗奔湍響似雷。百尺鐵條搖不定。

一橋纔過一橋來。

束溪鐵線一條懸。下有千尋不測淵。左右傾斜高下動。

度橋人似坐鞦韆。

大武名山雄姿天半橫。插雲巖壁屹崢嶸。山如太古多喬

木。蘭茝倒懸皆寄生。

千古密林連翠微。鳴禽四散欲斜暉。彩霞一抹山中腹。

看做丹楓是紫薇。

何物纍纍樹上懸。大如礮彈小如拳。聞知赤色山中蟻。
泥土成巢這樣圓。

浸水營二首

大武山中浸水營。東瀛碧浪眼前橫。紅頭嶼現雲煙裏。

天爲詩人放快晴。

紅頭嶼
現則雨

山蕃慄悍夙聞名。出草頻侵浸水營。今日迎賓薦珍味。

竹雞炙副木魚羹。

木魚謂櫻筍
見東坡詩

分水嶺贈相澤技手

秀姑巒下喜相逢。五日巡游苦樂同。惆悵分襟分水嶺。
君歸大武我高雄。

分水嶺望東西海喜賦

蕃奴荷駕度巖嵒。昭代漸銷凶悍風。攀到絕巔齊喚快。
東西碧海兩眸中。

力力蕃社雜吟十首

卉服花環異彩多。貓仙垂手舞傞傞。憐渠淳樸無虛飾。

醉唱新民頌帝歌。

炎炎篝火映雲巒。遠客聯牀把酒看。老幼女男傾舍到。踏歌共極徹宵歡。

舞踏番番夜興催。社會歡極欲忘回。齋來粟釀盈壺酒。恭向嘉賓捧巨杯。

闔社蕃酋來作羣。謝陳前過語殷勤。如今深感皇恩渥。萬歲歡聲蕩夜雲。

美貓對客可憐嬌。宛轉新歌中律調。二八少年誇古曲。

口頭琴和鼻頭簫。

嘴琴
鼻簫

會長威名世世傳。夫亡小社婦司權。後來誰是新頭首。

端麗如花美少年。

力力蕃有大小二社小社會長
歿寡婦司權一子盛裝來謁

古曲淵淵音節奇。幾班男女合還離。阿誰爲傲劉郎筆。
裁出蕃村新竹枝。

茹毛飲血住荊榛。強弱相屠豈本真。婦女守貞男好勇。
生蕃畢竟可憐人。

層層積石作軒楹。小牖纔容日晷明。坐臥祖先枯骨上。

床陰三尺是佳城。

訪會
長家

髻齡兒女性情溫。聰慧夙知君父尊。勸學授書年尙淺。
東音流暢說三恩。

蕃袋

縮伸自在紵絲囊。堪貯蹲鴟三日糧。出草有時盛首級。
淋漓鮮血滴輕裝。

將出蕃界有作二首

十一月十四日

半旬露宿又風餐。過盡蕃鄉心始安。歸化門前試回首。
雲烟漠漠鎖層巒。
植筇歸化石門前。一振征衫掃瘴烟。西海青螺有無裏。
阿緱平野渺連天。

枋寮

以下臺西十一月十五日

回灣曲浦黑潮通。百畝榕陰爽午風。憶殺將軍茲上陸。

金笳聲裡立青驄。

乃木將軍
上陸地

游劍恒春道中

四列球松連石磯。蹴空鰐浪撼朝暉。沙塵莽莽烈風底。

車欲覆顛人欲飛。

街道種琉球松一名木麻黃

故城千人塔

防邊隘勇死凶蕃。合葬千人此祭魂。清代遺蹤六稜塔。
夕陽粉壁照荒原。

翠竹坑

炎南蕃害極悲悽。鬼氣襲人雲氣迷。憶起竹坑當日慘。
啾啾繞樹怪禽啼。

高士佛

蕃社名

仙坡遺稿 卷二
諸蕃住在亂山中。習俗相依各不同。好潔愛清高士佛。
獨存君子國人風。

恒春客舍二首

猴洞遺墟近大瀛。狂風撼屋睡難成。夜深燈滅驚危坐。
澎湃濤聲雜雨聲。

琅璫島外大瀛濱。天霽日暄風物新。紫白紅黃花不斷。
始知南海有恒春。

墾丁寮種畜場二首

十一月十六日

墾丁寮在海南頭。椰子桃榔蒨蔚稠。萬里遠移天竺種。
綠陰深處檢羣牛。

大尖石下樹蒼蒼。麓拓墾丁飼畜場。優劣隨時能鑑別。
人間最重馬牛羊。

仙人帆石

鬼削神剗百尺巖。海波高拔勢巉巖。土人呼做仙帆石。
昔日仙人此挂帆。

鷺鑿鼻二首

琅璫三面是滄溟。潮去潮來天地青。我近古稀詩膽壯。
立看南極老人星。

萬里南溟霽色開。桄榔林下雪濤堆。烈風捲地朝來急。
吹撼鷺鑿百尺臺。

詩電寄蔗庵總督在澎湖島

我在臺灣南盡頭。七星巖影入雙眸。朦朧君向澎湖島。
捲海怒濤無恙不。

琅琊所見

秣茶深處竄狂鼯。猿獾成羣鯨鰐趨。今古南方靈淑氣。
碧淵深孕夜光珠。

鷺鬢鼻燈臺長見贈夜光貝賦謝

故人迎我海之隅。南指七星巖有無。他日吾詩發精彩。
草堂藏此夜光珠。

見青竹蛇

南國巡游日駕車。步行恐觸毒蟲牙。徧過山澤眼初眩。
當路丈餘青竹蛇。

龍泉庄纖維會社看龍舌蘭二首

十一月十六日

南國凶蕃征牡丹。將軍乘艦冒狂瀾。今從農事麟兒在。

遺跡徧栽龍舌蘭。

赤松將軍曾從西鄉提督征牡丹。蕃令息某今爲纖維會社社長。

龍舌蘭絲縷縷長。一經洗練白于霜。伸張粘韌力無比。
綯出艦船千丈綱。

龜山

王旅欲懲蠻族頑。石門曾奏凱歌還。當時上陸知何處。
雲暗龜山九折灣。

琉球人墓

在車城庄統埔

當年碧血草留痕。香火烟消冷墓門。嗚咽四重溪上水。似傷五十四人魂。

石門懷古

將軍一戰破天關。威震牡丹獍猛蠻。酋長乞降先歃血。馬前恭捧白銀環。

四重溪溫泉

弔古暮歸從石門。四重溪上又停轅。靈泉一浴夜深臥。夢裏猶招忠烈魂。

潮州車站偶得

以下阿緱十一月十七日

潮州以北鐵輪通。土俗漸無卑野風。手擘一籃香白柚。
帶將清馥向屏東。

千里潮州車窗所見二首

華雀喧啾羣萬千。趾鉤電線翼相連。有時飛散有時集。
穉稔黃雲秋滿田。

瑞稻豐穰農事稠。汗邪刈了及甌窶。亂堆遺穗無人拾。
家鴨一羣先占秋。

廣東製糖會社

半屏山下製糖場。椰子森森雲影蒼。移榻重陰午猶熱。
一盤香露啜仙漿。

觀瑞竹恭賦

枯竹發芽追日蕃。長霑聖嗣寵臨恩。琅玕不獨天南瑞。
玉葉金枝滿禁園。

屏東遇豬口鳳庵安喜喜賦二首

鳳庵篤學耳曾聞。詩藻文才兩軼羣。翰墨因緣真不淺。
阿緱城下始逢君。

動植諳名屢起予。知君平日惜三餘。訂交賴有高人介。
千里遙齎袖海書。

井筒樓招飲

買醉屏東翡翠樓。絃聲如雨酒如油。慧才侍宴秋峯女。

彩筆描花繡扇頭。歌妓秋
峯善畫

半屏山

半屏山色半天參。一曲屏風鳳嶺南。看到夕陽霞散綺。

美人鬢影落蓮潭。山下有
蓮花潭

曹公廟

鳳邑侯曹瑾字懷樸始造埤圳便灌溉里民追

慕其德建祠致祭

縱橫圳就水流通。長記農田灌溉功。萬頃黃雲遺澤在。

年年獻穀祭曹公。

打狗 高雄

仙坡遺稿 卷三
二〇
海津盡處渺平原。洲外如雲船舶屯。臺島東西少良港。
雞籠打狗兩關門。

海口官舍

聽潮館

旗尾山高對鼓山。海門波蹙綠彎環。日斜浦口人雲集。
督憲船從澎島還。

花壇招飲

山上花壇玳瑁筵。鉤簾俯瞰海門船。獻酬未了俄分手。

奈此仙鄉頃刻緣。

聞總督自澎湖
島還宴半辭去

壽山館

壽山高閣倚林巒。海霽秋高眼界寬。憶得儲皇停駕夕。

鯤身鳳翼揭簾看。

鯤身洲名
鳳翼山名

壽山淨水池

園中處處地深穿。汲出玲瓏萬斛泉。利用厚生人智進。
導流不必賴河川。

橋仔頭寄懷山本二峰

十一月十八日

栽培甘蔗幾星霜。荊棘拓爲肥沃鄉。創業艱難知不淺。
半生精力竭南疆。

橋仔頭農場

旱天半歲蔗將枯。灌得溪流綠始蘇。行見半屏山色好。
輕車轆轤過平蕪。

泥火山

淤泥凝結黑崔嵬。彷彿北邙墳冢堆。地底洪爐然不息。濁流噴自九泉來。

烏鶩

燎原火熾草皆燃。連翼烏鶩不避烟。小鳥卻存雄猛性。

挺身襲擊戾天鳶。

臺灣鳥不畏火
有時襲鳶鷹

白橋仔頭到臺南途上

惡路凸凹車欲顛。疾驅日與鳥爭先。運機自在技精熟。絕愛生蕃好少年。

拜觀北白川親王遺物恭賦

以下臺南十一月十八十九日

百戰親王率禁軍。南荒戡定奏殊勳。傷心矮屋來揮涕。
擔架猶疑帶瘴氛。

孔子廟

山河板蕩奈倫常。籩豆祭存君子鄉。乘桴泛海聖人志。
千載南瀛仰素王。

關羽廟

雲長祠廟祭春秋。壯麗規模少匹儔。曾致精忠漢天下。
威靈今日護神州。

赤嵌城

鄭公海上憶龍驤。驅逐紅毛威武揚。豈獨赤嵌城萬丈。

仙坡遺稿 卷三
精忠護國是金湯。

赤嵌樓

一名承天府

牢磚堅壁四環周。防禦功成蕃寇休。府號承天多氣象。雲霞蒸出赤嵌樓。

開山神社二首

祭延平郡王鄭成功

田橫死節豈其倫。回復朱明致一身。不獨島民深景慕。朝廷今日祭爲神。

廟殿樓門古典型。鄭公忠節凜威靈。于今遺愛梅花在。南國春風特地馨。

開元寺

鄭公養母此叢林。想見當年孝子心。後苑猗猗七絃竹。

風枝長遞鳳鸞吟。

寺後苑有七絃竹

白也寧靖王墓

南渡王孫終不歸。華山草長冷烟霏。數莖髮化雙榕樹。

翠蓋千年對落暉。

五妃墓二首

魁斗山陰長綠蕪。苔墳冷立北邙隅。五妃同殉一王死。

貞烈如斯今古無。

五妃殉難見情真。遺烈千秋泣鬼神。對此貞容應愧死。

古今爭寵幾宮人。

古今觀文山秀氣搨本

取義成仁天下知。晦庵搨本墨淋漓。臺南本說綱常重。
可少文山秀氣碑。

吳鳳廟

感化凶蕃日夕親。豈圖自刃及朱巾。自從一死成仁後。
阿里長無出草人。

臺南途上所見

白沙一帶傍漁磯。榕樹烟低欲夕暉。路上行人皆跣足。
魚顛獸腑手提歸。

一筆樓酒閒戲賦

雪兒窈窕舞容嬌。歌似雛鶯舌未調。今夜春風吹有意。

爲君一筆賦遷喬。

妓自遷
喬樓來

碧雲寺途上

十一月廿日廿一日

羊腸石逕幾盤旋。寒膽千尋不測淵。俯伏輿中降峻阪。
一身腰臀欲朝天。

火山廟靈火二首

在枕頭山一名玉案山

猛火炎炎燃水中。無烟有焰四時紅。碧雲蘭若火山廟。
土俗奇存祭火風。

發從巖罅火無烟。紅焰騰騰日夜然。誰擲萬金謀採掘。
地心一帶大油田。

關仔嶺卽吟

靈火噴光溪谷中。臨流怕見醉顏紅。暮天一變雲霞色。
又照猩猩樹幾叢。

山輿艱艱度嶙峋。別路輕車君託身。以逸待勞高木子。
憎他狡獪弄詩人。

竹紙

修竹千竿又萬竿。鬱然葱翠蔽林巒。山家漉出卵黃紙。

燒作香烟上祭壇。

臺民神前
燒竹紙

關仔嶺望遠臺

百尺高臺倚夕曛。怪禽啼樹異花薰。仙凡一隔難重到。
幾度回頭望碧雲。

關仔嶺溫泉

奇葩異草四時春。脣沸溫泉堪洗塵。一室二流殊品質。

獨清我欲學靈均。

浴室分清濁二

阿里山雜詩

十一月十二日廿三日

曉發嘉義

淡霧籠空曉氣寒。行過田隴到林巒。同車阿里蕃頭目。

首戴爛斑雉尾冠。

車中有阿里蕃頭目

木芙蓉

回旋鐵路似蟠龍。左右巉巖雲樹重。地近新高風日暖。
澗頭開遍木芙蓉。

獨立山二首

獨立山高聳碧霄。螺旋鐵路匝岩堯。坐教行客迷方向。
四度俯看樟腦寮。

丁丁伐木隔林聞。路近洞門高下分。纔過一峰峰復出。
鐵輪終日不離雲。

十字路

萬壑千巖半入雲。哆囉嗎外日將曛。駐車十字交叉路。
蕃界風光自此分。

二萬平

二萬平連萬綠叢。亞杉扁柏聳蒼穹。塔山九曲翠屏障。隱見白雲蓬勃中。

塔山

大小塔山開畫屏。層苔積蘚鬱青青。坐來群嶽沈雲海。萬仞雙巖秀更靈。

雲海

阿山雲海白漫漫。風定不揚澎湃瀾。曉立金剛巖一角。只看鬢髻點銀盤。

望新高山二首

仙坡遺稿 卷三
縹緲御風攀萬峰。近看南鎮玉芙蓉。洞門百八雲開闔。
太似青天騎白龍。

直面天南第一山。萬三千尺屹難攀。宛然宰輔曉朝闕。
玉笏高擎霄漢間。

萬山雙神木

神木一雙維嶽靈。三千甲子記曾經。人閒誰是長生者。
纔說彭篋八百齡。

濫伐

伐木千章又萬章。名山赤禿我心傷。僵材倒幹紛狼藉。
略似伏屍橫戰場。

集材所二首

鐵線三條高架空。人閒機巧奪天工。巨材昇降輕於鳥。
不用萬牛搬運功。

斤斧以時今古同。有司唯計眼前功。我恐二三十年後。
阿山杉檜蕩然空。

新嘗祭

佳節天晴粲曉曦。先生捧幣謁神祠。勞將攬雅揚風手。

親植檜苗青一枝。

新嘗祭日青厓先生謁
阿里山神社手植檜苗

山巔觀化石

寰球海陸有低昂。涌出高山自大洋。化石蟹螯經幾劫。

眼看陵谷憶鴻荒。

達摩崑

兀然巨石立山隅。初祖風丰誰善摹。願藉舟翁入神筆。

描成一幅坐禪圖。

友人塚原夢舟善畫達摩

洞門

車過龍身蛇腹中。洞門百八午濛濛。絕巔攀到清涼境。

始覺天閣呼吸通。

不取口占

長嘯踏雲詩興飛。不知霜露濕吟衣。天門咫尺攀明月。

誤觸銀河織女機。

樹海次韻後藤子爵作

蕃鄉跋涉幾山河。此日栖霞巖下過。極目蒼蒼唯樹海。

臨風擬和趙翁歌。

趙雲崧有樹海歌

六十九人墳

峻峯開鑿足辛勤。蜀道五丁應讓勳。我過遺蹤哀殉職。

奠香六十九人墳。

下山

鐵路盤旋出翠微。白雲如絮傍車飛。漸知下界秋炎烈。

十里山中三減衣。

山中偶成二首

竹坡遺稿 卷三
三
籃輿穩坐度屣屨。雲海烟巒晚更奇。阿里山中游兩日。
吟成敢擬錦囊詩。

幾度推敲幾度刪。自悲筆拙更才孱。一篇未得驚人句。
何忍匆匆輒出山。

回歸線標塔二首

在嘉義水上驛間十一月廿四日

回歸標塔示其方。熱帶唯從赤道量。南北二十有三度。
太陽來去似彷徨。

地文天象細窺真。經緯研鑽學日新。熱帶在南溫帶北。
中分臺島示行人。

車中所見二首

千村萬落鬱芭蕉。果實成時葉不凋。無限綠雲刈猶半。
閒田早已種新苗。

收獲競先農事忙。更掄晚稻插青秧。一年兩度秋豐熟。
畢竟炎南是樂鄉。

秋晴二首

靈區探勝恣吟哦。瀛島東西聯駕過。五十日閒無一雨。
不須笠屐學東坡。
遠游千里欲忘歸。每對名山逸興飛。紅紫花開風日暖。
天南十月未更衣。

濁水溪

清濁雙流似涓涇。穿林觸石注畦町。我同李白將長醉。
不效靈均說獨醒。

水裡坑

此地多瘴氣

一罹瘴疾竟難瘳。瘴氣癘氛侵一州。聖代衛生施設備。
如今未及此荒陬。

水裡坑望新高山

連峰中斷澗流縈。隔樹鳴鳩喚午晴。雲霧乍開天一角。
玉山當眼太分明。

日月潭三首

日月潭澄水不流。乾坤長向個中浮。荒涼憶得太初景。

萬杵砧聲獨木舟。
湖雲林靄曉蒼然。
白鷺飛過蘆渚船。
日上三竿天若拭。
萬峰翠聚一欄前。

水電經營未了工。
洞門磚壁委荒叢。
黃金擲盡三千萬。
遺憾終虧一篲功。

魚池庄所見三首

如笏如笄編作牆。
有花無實貌非常。
山農亦愛豪華趣。
矮屋門前列霸王。

魚池庄接水雲村。
十月天暄草木蕃。
想得月明風露潔。
仙人合掌野人門。

籃輿日日度層巒。穩坐不知行路難。拭汗蕃丁憩涼蔭。
蕉雲綠映竹皮冠。

臺車降急阪

輕車下阪疾如飛。推進溪丁錯誤稀。百里芭蕉林下路。
征衫涼帶綠雲歸。

集集驛北村夫人見贈凸柑一籃賦謝

朝發山中日月潭。午天暑熱漸難堪。夫人迎我慇懃甚。
手捧凸柑香一籃。

二水驛增澤氏庭園看蝴蝶蘭

二水下車心始寬。東歸一路喜平安。綠陰亭榭納涼坐。

愛見風前蝴蝶蘭。

千个臺中公園

混混清泉湧在園。聳空水塔巧機存。豈唯注入千家井。
更作城中發電源。

後里庄看梅花

十一月廿六日

八仙山下萬株梅。傍竹臨流的皜開。欲助吟筵明日興。
飄輪千里載春回。

看花戲似高木子

入花去又出花來。水際林閒花已開。可笑爲花忙一日。
與花欲語夜徘徊。

香園閣宴集

瀟洒亭臺客倚欄。嬋娟百卉把杯看。一枝欲博嘉賓賞。
風拂林梢拗取難。

觀蓮草工場 十一月廿七日

白于冰雪薄于紗。蓮艸抽心工耐誇。輸向都門加剪綵。

化爲二十四番花。蓮草一名燈心
草造花原料

新竹觀北白川親王露營遺蹟二首

月明滿陣夢如何。想得親王此枕戈。曾爲皇師掃氛祲。

于今新竹烈風多。新竹
多風

百戰功成妖祲收。爽吟高閣半旬留。我來爲憶南征跡。

月冷親王橫槊秋。

爽吟閣

東閣戲作示蔗庵總督

以下臺北十一月廿八日

出入莊嚴兩異常。朝衣平日佩勳章。三臺父老皆虔拜。尊貴如君是島王。

臺北三線路

街衢種樹鬱蒼蒼。三線坦途通四方。內地東西幾都市。絕無壯麗似南疆。

勅使街道所見

農家家鴨晚歸栖。一隊成行路不迷。能記主恩三百羽。喁喁猶帶水烟啼。

劍潭寺

劍潭靈刹錦旛高。金碧彫楹映翠濤。探闔賽客燒筠紙。
縷縷香烟幻白毫。

臺北臨濟寺訪天田策堂和尚

十一月廿九日

圓山香刹憶林邱。才敏德高檀越稠。夙與愚公爲佛弟。
同斟滴水一源流。

謁乃木太孺人墓

墓門汲水薦蒿焄。來掃青苔八尺墳。孟母三遷真可敬。
日垂慈訓導將軍。

明石總督墓

玉將軍後石將軍。兒玉綏撫蒼黎期策勳。不死遼東死
臺北。九原齋志獨悲君。

中央研究所觀毒蛇

雨傘竹絲龜殼花。殞生百步慘堪嗟。深山大澤坐輿過。

不識炎荒多毒蛇。雨傘竹絲龜殼花。百步皆毒蛇名。

粵女

西來粵女性貞淳。高髻如雲膏澤勻。足不緊纏姿勢正。
朝耕夜織可憐人。

不見一乞兒

百果纍纍九穀滋。人間飢渴未曾知。三臺日暖饒天惠。

伯埜遺稿 卷三
不見街頭乞食兒。

田野不見一馬

穰穰嘉穀刈收秋。搬去搬來役水牛。萬頃平田蕉蔭路。
不看振鬣一騏驎。

魚介

南島潮溫魚族稠。新鮮上膳足珍羞。較來內海諸灣產。
風味終應輸一籌。

珍果

千林蕉實色青黃。日喫木瓜喉舌涼。荔子鳳梨柑橘柚。
天將珍果惠南荒。

荔枝

天南蓬島四時春。每見荔枝懷太真。日啖新鮮三百顆。
笑他驛騎蹴紅塵。

佛桑花

王母瑤池夜宴深。神仙有夢跡難尋。曉來開遍青苔徑。
濕露一枝紅玉簪。

月下美人

花名

次椿園原韻

宵宵唯傍玉欄開。髣見嫦娥入座來。楚楚風神嫌日照。
曉鳥聲裏去難回。

臺北五夫人以銀製笈贈青厓先生令夫人感而

作

虎門巒舍講倫彝。今在瀛南天一涯。學海問津當日意。
寄將銀筏贈恩師。

竹筏

南海舟師意氣豪。鐵條編竹代輕舠。鯤鯨爲侶鷗爲導。
一筏能凌萬里濤。

惡筆自嘲

臨池縮蚓又塗鴉。行草無型字字斜。劈破溪藤三百葉。
漫言壁上走龍蛇。

臺灣獸醫會諸子見贈端溪硯賦謝

琳腴一片抵珠璣。日夕摩挲潤發輝。有此良朋能耐久。
夢魂夜夜向南飛。

礁溪樂園三首 十二月一日二日

樂園花木與晴宜。烟水空濛雨亦奇。我不仙人欲飛佩。

上看瑞鳳下靈龜。

鳳嘴山對龜山
島○此地多雨

澡浴靈泉骨自清。樂園烟雨愜吟情。夜深風定滄溟靜。
不聽驚濤澎湃聲。

蘭陽來振客中衣。自適優游日浴沂。真個蓬萊別天地。
舞雩風詠欲忘歸。

酒閒戲賦似宜蘭郡長

仙坡遺稿 卷三 三五
蘭陽郡守抱才奇。一醉披襟似舊知。唱出佳人情萬緒。
朝顏一曲淨琉璃。

戲贈阿蘭

夜雨樂園開宴時。佳人含笑侑銀卮。神仙風貌長堪記。
懷納霜髯白一絲。

獻馘碑

嗜殺如飴南澳酋。投降獻馘巽門頭。冤魂應散積年鬱。
恩露今霑枯髑體。

虎字碑

雲雨從龍彼一時。劉公遺跡草離離。登臨只賞秋晴好。

不問貂山虎字碑。

梅莊送別宴席上賦呈廣湍翁

小川則要
十二月五日

遠自阿緱迎隱淪。慇懃把手進芳醇。崇儒敬老蔗公德。薰徹梅莊一夕春。

重遊北投溫泉三首

十二月六日

探遍名山與大川。北投兩度浴溫泉。醉餘殊有司勳興。老眼看花學少年。

鑾岬玉峰探勝過。仙樓又聽雪兒歌。山川如畫人如玉。自到蓬萊眼福多。

名妓朗吟音節宜。喉珠宛轉惹相思。重來欲聽琵琶曲。

仙坡遺稿 卷三
三六
爲教阿山神木詩。

歸舟

十二月八日

滄溟萬里一孤舟。西北烈風吹不休。雪白洪濤高萬丈。
挾將豪雨灑柁樓。

舟中答蔗公飛電三首

君從天外應懷我。我在舟中正憶君。交誼深于千仞海。
愁心凝作萬重雲。

東門官邸爲詩留。興逸尊前幾唱酬。此日雲濤千里外。
藉將飛電寄離愁。
蓬萊美酒盪吟胸。貝闕蜃樓雲幾重。一夜夢醒風浪怒。

平安悔不禱神龍。

舟入馬關十二月十日

馬關維纜六花稠。海閣風寒欲襲裘。歸日有程天候險。

仙帆憾不到琉球。

歸路欲游琉球
爲風浪不果

寄人

高木辯護士萬七三首

典帳賣衣寒不知。劇談風發解人頤。多情卻是難媒得。
月冷香園梅一枝。

談諧百出口津津。幾觸瑤池王母嗔。君是三生東曼倩。
仙桃偷去贈何人。

漆黑香檀杖一枝。蹒跚老脚足相支。尋花訪柳春風路。

恐化玄龍入葛陂。

見贈黑檀杖

高澤技師

南疆並轎度岑峯。東道連旬致意深。妙才謝君揮鐵筆。

悠揚彫出白雲心。

君彫刻白雲心三字贈予

三旬探勝始還家。鴻爪回頭千里賒。懣後更尋姑射夢。

月明一夜宿梅花。

尾崎古邨

鑑識精詳獨擅場。闡明幽祕發潛藏。島夷卉服善稽古。

貝錦斐然猶作章。

小松天籟

筆力堪推藝苑雄。蘭陽夙奏牧民功。後凋高節松爲姓。

天籟自存詩句中。

君爲宜蘭郡
長十三年

鷹取岳陽

君產黃薇旭水東。故鄉聞與碧堂同。蓬萊相遇先欽慕。
健骨鷹揚志士風。

猪口鳳庵

雌伏阿緱才抱奇。鳳庵文彩少人知。春風滿座月明夕。
來對東門梅一枝。

魏潤庵

口授成文點不加。操觚場裏見才華。一枝瑠玉鏤金筆。
麗媿晚唐溫八叉。

劉篁邨

才藻馳名翰墨林。相逢一夕共披襟。尊前流暢操東語。
疏得主賓金石心。

洪以南

藐視功名遠市塵。幽栖卜得淡溪濱。溫顏如玉心如水。
君是瀛臺第一人。

懷友

館森袖海

竹風蘭雨昔游曾。袖有君書感詎勝。爲是慇懃能介我。
三臺到處得吟朋。

田邊碧堂

搖嶽凌滄筆有權。蓬萊又著祖生鞭。慙吾紀實詩三百。
不直遊山十四篇。

大倉聽松

賞秋西洛醉瓊筵。更共南瀛破浪船。豪富詞人襟灑落。
唯談風月不言錢。

長尾雨山二首

五雲繞筆燦成文。我對仙山忽憶君。猶記神門飛綵縷。

紅暎影裏手相分。

一片羊羹抵八珍。龍團雀舌味逾新。柔如酥酪甘如蜜。

爲忘客中酸與辛。

見贈羊羹

賞博西阪本蘋園

馬乳葡萄是好羞。劈來甘露溢吟喉。何人蓬島栽良種。

爲憶當年博望侯。

見贈葡萄一籃

游博西阪三谷耕雲二首

描成破浪健帆圖。送別君投明月珠。一幅仙毫壯行色。

碧雲相伴向蓬壺。

見贈破浪春帆雙鵲報喜二幅

明發隨師涉大瀛。平安海路最關情。三竿日上長松樹。

喜鵲啾啾報霽鳴。

仁賀保香城

與君千里共梯航。聯袂幾登翰墨場。安得玲瓏山館筆。
南瀛詩曆發輝光。

玉木椿園

椿翁靈筆破天擘。囊貯珊瑚萬顆還。今日我來多悔恨。
徒將空手對名山。

高橋漁洋

自號漁洋與水馴。屢探貝闕伍鮫人。若遊南徼多魚海。
一網應收千萬鱗。

井土靈山

君慕詩仙李太白。我推酒聖劉伯倫。龍虎風雲捲壇坫。豪懷勁筆無若人。

林苔巖

寫生手筆妙通神。冒險探幽與化觀。一覽天南山水美。丹青應飽臥遊人。

觀瑞竹恭賦

新亭竹成柱。日久發芽蕃。千畝富何比。數竿青可尊。一從迎鶴駕。年見長龍孫。鬱鬱昇平瑞。應知雨露恩。

一筆樓酒閒戲賦

相逢盡是學園儔。談笑不知羈旅愁。妙妓欺花春滿座。
清輝如水月當樓。話將蕃界深山景。且共榮陽臺南良
夜遊。豈啻玉纖能侑酒。冰紈染筆也風流。

日月潭

臺灣一名勝。千里遠來探。山匝魚龍窟。波明日月潭。孤
舟天上泛。萬象鏡中涵。向夕蕃礎起。餘音盪積嵐。

東門官邸雅集次蔗庵總督原韻

南海飛帆似大鵬。壯遊心與九霄澄。遠尋千里東寧國。
幸伴三生杜少陵。翰墨因緣陪總督。芝蘭情契得新朋。
清談須永斯良夜。傾盡杯尊剪盡鐙。

同次青厓先生原韻

隨師遠作涉濤遊。日霽天澄十月秋。東閣賓朋謳聖代。
南疆版籍是神州。徧探蕃界無雙勝。親接騷壇第一流。
最喜能詩賢督憲。治臺長策壯皇猷。

丁卯

昭和二年

次塚原夢舟翁八十自述詩韻

淡泊生涯八十春。行藏任意自由身。大觀寰宇無常態。
老署江湖一散人。風月閒情忘世事。丹青清課養天真。
雄心應有靈鼇賦。夢繞南瀛第幾津。

上元酣春樓宴集賦呈臺灣諸公

昨攀東閣作陪賓。銀燭金罍夢尙新。今迓蓬瀛千里客。
恰逢兔歲上元辰。破雲江月微含雨。映壁瓶梅澹繪春。
此夕清談莫辭醉。明朝滄海挂帆人。

二月旬三招邀蔗庵總督于星岡茶寮酒閒賦呈
樓接崇祠吟眺寬。主賓交膝對杯盤。喚醒瀛島連旬夢。
共罄星岡一夕歡。梅笑瓶中春色動。雪晴簾外月痕寒。
昨遊慙我吟三百。滄海珠璣上筆難。

山口松陵見過草堂喜賦

黯澹陰雲釀雪時。忽聞剝啄到茅茨。病軀有戒嚴停酒。
老境何妨靜賦詩。同對梅花猶莫逆。欲邀春月慰相思。

人閒難得忘年友。白社尋盟勿負期。

二月念二日茜陵旗亭雪集賦呈蔗庵督憲

夜來大雪沒林邱。萬樹花開春色稠。人踏銀濤披鶴氅。
妓凝粉黛侍瓊樓。坐懷灞上騎驢興。誰趁山陰蕩槳遊。
此景炎南合難遇。莫辭一夕爲詩留。

哭高島九峰翁

埋頭御府萬琳琅。荷寵將軍侍海莊。書學柳顏能極法。
詩宗王孟早升堂。古梅澹月遺容在。老菊清霜晚節香。
兄弟聯珠才蓋世。何唯聲譽重防長。

雨中遊小涌谷鳳來樓

昨夜泉源漱碧流。天明去向涌溪頭。雪餘萬壑銀濤漲。
雨裏千峰煙髻浮。陵谷變遷嗟浩劫。酒詩徵逐憶曾遊。
元龍豪氣老仍在。又醉鳳來山下樓。

將抵小田原塔澤山崩道塞宿環翠樓

車過函山險萬層。亂雲如絮雨如繩。蛟龍移窟水流濁。
泥土塞途崖石崩。浩劫昔聞田變海。長霖今見谷爲陵。
飛音更接三丹震。一夜驚魂幾剪燈。

時三丹地
方激震

此君軒雪集得虞

曉颿飄密雪。盈尺玉塵鋪。萬樹花齊發。四郊蹊欲無。披
蓑人似鶴。探韻唾成珠。白戰尖叉興。誰能學大蘇。

人聞東門官邸清集次蔗庵督憲原韻三首

三臺騷客浴仁風。東閣開筵瑞氣融。新漲水連芳草碧。
長春花映畫欄紅。鳳鸞詞筆欽蓮社。冰雪襟懷憶蔗公。
世遇昭和文更重。休明鼓吹答宸衷。

東門賓主坐春風。詩興奔騰酒思融。山抹煙霏凝淺黛。
花欺錦繡鬪繁紅。忘年交慕孔文舉。投轄情同陳孟公。
客歲遊蹤仍在夢。每聞盛事感深衷。

掃蕩長霖南海風。天晴日暖燕泥融。樹蕃老綠交新綠。
花發深紅閒淺紅。幹事文場推魏子。魏潤主盟瀛社有

洪公。南供以三臺賢俊一堂裏。觴詠各應披雅衷。

川奈雜吟十首

豆南乘霽度林臯。隴麥翻風湧翠濤。采蕨行歌芳草路。
撩人野雉一聲高。

尋花訪柳度嶙峋。滿目風光步步新。陸上乘桴脚成權。

登山人似渡江人。

燈臺故址石巖崚。倒影松浮明鏡中。極目烟波平若熨。

遙青一髮是房總。

一灣春水白鷗前。初島霞籠大島烟。漁笛遙傳豐獲報。

闔村人擁曉歸船。

萬松臨海翠雲堆。伐木丁丁夕日頽。春冷落梅花下路。

茜裙村女負薪回。
八朶芙蓉天一方。
隔波七島點蒼茫。
誰知寂寞樵蘇地。
化作繁華遊戲場。
鐵叉遊技競雌雄。
誰詫先登第一功。
鬪罷松陰拭流汗。
納涼伊豆七洲風。
窈冥洞在豆灣濤。
靈曜藏光海霧深。
日夕吐吞湖萬丈。
風前似聽老龍吟。
坦庵鑄礮費工夫。
鎔鍊功成反射爐。
一放彈丸圓嶠上。
裂空霹靂駭天吳。
巍然蘭若倚峻嶒。
此地蓮公傳法燈。
春入垂絲櫻萬縷。

紅雲照映紫衣僧。

清明前二日謁多摩陵

先帝遽騎天上龍。追懷聖德萬民同。微臣難拂抱弓淚。
來拜新陵烟雨中。

清明節星岡茶寮雅集攀克堂相國瑤礎

梅花雪映柳絲烟。宰相駐車祠廟前。虔拜神靈禱冥護。
昭和歌頌上新篇。

春日心月庵

松浦詮伯

二十年忌辰祭茶筵敬次鸞

洲伯原韻

先侯遺愛一茶鐺。謾謾松濤清韻長。此日來陪齋茗讌。

半甌雪乳挹餘香。

紅葉館雅集次聽松男原韻賦呈中華嘉賓溥德

陳感貞諸公

仙館歡迎大國賓。芝陵恰值艷陽辰。山櫻經雨殘紅褪。
園柳含烟嫩綠勻。縞紵金蘭交在道。風流儒雅德爲隣。
偏欣枉駕三君子。一醉共披肝肺真。

東京會館宴集攀聽松男瑤礎二首

上苑晚櫻花尙紅。高樓迎客酒尊同。善隣交誼文章在。
一座春風談笑中。

綠樹藏花澹沓春。披襟對酒一宵親。何圖東館風流會。

邀此西山隱逸人。

溥心畬自稱
西山隱士

哭佐藤六石

森門高足一才英。遽負東皇朝玉京。載鶴扁舟留藻詠。
隨鷗白社主詩盟。焦心致力經營業。直筆規人月旦評。
素旄飄風落花夕。哀傳蒿里輓歌聲。

長興山莊漫吟五首

青苔綠樹映簾櫳。庭有閒花白作叢。莫是蒙莊夢中物。
翩翩蝴蝶舞薰風。
峰巒翠滴雨晴餘。水到溪流自作渠。倦讀偶催濠濮興。
紫藤花下看游魚。

來浴山中不老泉。朝昏嘯傲百花前。此鄉自有長春想。

辟穀何須學偃佺。

不老泉

牡丹開作綺羅叢。婀娜嬌姿不耐風。最是春光堪上畫。

天香一朵狀元紅。

巢雲川上雨晴天。映水鵲花紅欲然。燕子雙飛如有意。

不離畫欄繡簾前。

分莊名爲韻得四絕

歸雲洞外小仙鄉。澗水淙淙遶屋長。書畫滿房如泛宅。

高風憶殺米元章。

綠樹重陰日氣澄。有時山頂白雲興。主人靜攬丹青筆。

仙館數邀風月朋。

嵐氣清泠水石寰。捲簾咫尺有青山。白雲影裏焚香坐。
目送飛禽心自閒。
白石清泉樹影涼。風光略似輞川莊。先生箕踞長松下。
手掃雲烟倚筆床。

又得七律一章

三徑苔蒸澗水斜。園林瀟灑似仙家。鳳吟斷續千竿竹。
蝶夢低迷一塢花。高臥主人親翰墨。幾邀雅客傲烟霞。
靈泉洗盡風塵面。興到悠然對畫叉。

又一首呈青厓先生

坐隱忘機夜不眠。畫中聖對橘中仙。乾坤一擲餘閒在。
校我西游詩百篇。

長尾嶺望嶽

三峰總被白雲封。不見仙人冰雪容。驀地天風吹一陣。
夕陽照出紫芙蓉。

椿莊招飲賦呈江川春綠翁

椿莊初夏夕。新樹綠生烟。偶伴風騷友。俱登櫻筍筵。清
談回舊夢。逸事憶先賢。興熟忘歸去。移牀涼月前。

佐原金田樓夜宴

聽松男爵迎溥心畬溥公賜遊水鄉青厓碧堂

香城竹雨及余亦與焉

吟倚鱗江第一樓。侍筵老妓解風流。茫茫二十年前事。

說到詩人盪槳遊。

老妓蓑香說石埭槐南種竹湘南舊游

刀江泛月

兩國詩仙風雅遊。刀江棹月下中流。飄飄一葦空明裏。疑是銀楂犯斗牛。

潮來舟遊十一首

清晨乘霽放輕艎。野水縱橫繞岸長。江草江花春可采。

王孫援筆賦懷鄉。

薰風四月雨晴時。細柳新蒲蘸碧漪。擬得鴟夷五湖興。

青簾白舫載西施。

垂楊低水綠。纖纖天霽大湖開。鏡奩髣髴美人鬟。樣好。筑波雲際現雙尖。

一葉扁舟小似瓜。江村午寂有鳴蛙。茜裙村女灌畦水。

靜踏柳陰龍骨車。

棹到潮來十二橋。篷窓衣袂任風飄。似邀千里遠游客。

黃鶴翩躚舞九霄。

時飛行機翔空

細細風吹瑟瑟波。村娃三五鼓撈過。蘆中何處嬌聲起。

恍聽吳娘水調歌。

蟹舍漁莊望欲迷。鉞秧抽水水平隄。江鄉夏淺薰風爽。

滿地菰蒲剖葦啼。

遠巒縹緲水滌回。兩岸薰風杜若開。彷彿虎邱山下路。
一橋纔過一橋來。

菖蒲花發映晴波。十二橋頭春色多。一隊女郎翻舞袖。
曼聲唱出竹枝歌。

佳人去後幾年過。粧閣荒涼燕窠。當日臙脂流未盡。

于今水底錦鱗多。

園部川

逆浪湖東午繫舫。甕山祠廟帶林臯。武神靈蹟赫今古。

華表抽波千尺高。

大船津

銚子夜望

海角高樓夕。凭欄對大瀛。輕陰雲變幻。薄夜月朧明。浪

仙坡遺稿 卷三 四九
撼旋燈影。風傳遠笛聲。王孫彈古曲。蕩盡美人情。

銚子曉望

散髮高吟踞斷磯。布帆遠影望中微。長風捲海水皆立。
健鶻凌空雲欲飛。鬱鬱青松圍酒閣。濛濛白霧濕人衣。
仙巖咫尺如瑤闕。信宿王孫憺忘歸。

端午前一日紅葉館小集得陰字

山亭對酒互披襟。話到昨遊牽感深。坐久杜鵑何處叫。
一簾雨氣月成陰。

送大倉聽松男南游二首

超海欽君意氣雄。樓船航過月氏東。寶雲遙望瞿曇國。

健帆高懸貿易風。香木深林圍水市。鮫人泛宅接龍宮。
料知騎象揮蒲扇。咫尺暹王涼苑中。

占城探勝興逾豪。更向閣婆度海濤。滿地蔗田風葉戰。
聳空神岳火雲高。能言媚客繡翎鳥。黠智驚人長尾猱。
夕聽蠻姬歌一曲。相思樹底對香醪。

蔗庵督憲見贈爛心木所製一机賦謝
奇材新作机。寄我北窓前。木理文章美。工人意匠全。友
情何可忘。家寶足長傳。日夕嗒焉隱。閒繙內外篇。

悼亡二首

八月十七日

手披遺篋淚頻揮。裙帶依然人已非。曝向風檐古香散。

斷腸忍見嫁時衣。

幾載孟光甘爨炊。常憐舉案解齊眉。老夫嘗盡辛酸味。
中饋和羹託阿誰。

同青厓先生觴高木辯護士于鮫洲海樓二首

邀飲遠來客。袖灣潮上時。貪涼憑檻久。惜別放杯遲。佳
謔屢開口。美人皆解頤。忘機今夕興。唯許白鷗知。

追懷昨游跡。品坐話南瀛。逸發煙霞興。豪存湖海情。冰
盤鱸膾凸。笛簟水風清。相遇忽相別。深杯心共傾。

天空海闊樓中秋看月得支二首

滿地蟲聲風露滋。清輝皎皎逗簾帷。中秋明月如斯少。

謝意庾情堪上詩。

快飲鉅公廻駕遲。題箋乘興墨淋漓。更闌踏月高歌去。
不識金吾立路歧。

歸路訪鵠沼晚翠居終一宿三首

萬松夾路月痕深。玉露金風秋滿襟。行到村莊夜將午。

幽蛩似語主人心。

十笏幽齋對碧池。冰輝滿室淨瑠璃。匝階蟲韻清于磬。

慰得詩人獨夜思。

誰子臨風玉笛吹。仙禽警露碧雲披。中秋最是惱人景。

正在西巖月落時。

玉露金枝小峴小祥忌辰賦奠兼似女婿佐藤博士恒

祐二首

卅載深交有宿因。曾游追憶暗傷神。薦筵是夕酌清醕。

擬速九霄驂鶴人。

一歲光陰夢裡更。信山回首不堪情。殷勤為訪終焉地。

崖石新鐫小峴名。

九月十三夜陪索笑書屋觀月雅宴依元耶律楚

材詩韻

娟娟皎月挂東山。金桂花開秋色闌。潭底明珠爭欲拾。

詩人拈筆石欄干。

又一首賦呈克堂前相國

新亭卜良夜。置酒倚軒楹。月上江山敞。秋澄河漢明。風流追故事。詞賦答昇平。偏願同人健。長尋翰墨盟。

九月十四日紅葉館清集用戴叔倫對月詩韻

邀月高樓喚燭遲。欲裁麗句答佳期。如今能襲寬平典。除却諸公更有誰。

席上分韻得光字

海門暮色望蒼茫。奇字排空雁幾行。林杪月升明似鏡。滿園風露發寒光。

又用嚴海珊月下懷詩韻

芝山秋氣爽。碧落絕陰氛。月色不離水。雁聲高入雲。菊花幽處發。木葉靜中聞。坐有能詩客。抽毫思不羣。

鮫津海樓次聽松男原韻

海樓開宴正昏黃。挾雨斜風搖燭光。翻想廣寒宮闕裏。桂花香漲月中觴。

聽松男自南洋還有作次韻賦呈

萬里歸來泊品灣。芙蓉高峙碧霄間。炎南屢戀三峯雪。夢裡寒光是此山。

北海遊草

十月十一日北征車中作是日余七十初度

烏兔匆匆七十周。誕辰橐筆向蝦陬。江東昨賞玲瓏月。
朔北今逢穰稔秋。暫與青衿同寢飲。欲過曠野相騏驎。
喜吾吟骨老仍健。乘興日成邱壑游。

山人札幌客舍

曾游回首已三年。今值清霜十月天。繞郭江山都舊識。
滿樓婢僕喜奇緣。時探紅葉拖吟杖。日對青衿執教鞭。
朔北健兒皆愛馬。欣繙伯樂九方篇。

圓山游仙閣晚望

游仙傑閣倚崔嵬。雨霽天澄畫景開。五彩長虹橫曠野。
夕陽明滅萬樓臺。

層雲峽雜吟三首

蝦北神仙境。秋高山更靈。石姿渾犖确。嵐氣自清泠。一水拖明練。千巖列錦屏。泉聲堪洗耳。天樂隔林聽。

深秋雪峯麓。水石與雲連。雙瀑雲邊落。一橋巖角懸。鹿鳴林下路。魚躍鏡中天。澡浴游三日。神清骨欲仙。白雲紅葉路。吟賞步遲遲。戴石層屏峙。臨淵古棧危。流清人漱玉。果熟鳥爭枝。看到楓林晚。仙才憶牧之。

旭川野望是日神嘗祭

旭川佳節雨方晴。百里平原一望平。滿地霜禾黃不盡。摩天雪岳白分明。適遭瑞穗供神日。喜聽農人擊壤聲。

跋涉山河亦皇澤。長途幸免裹糧行。

真駒內晚望

家在層崑上。橋橫二水閒。石泉珠的皦。霜葉錦爛斑。牧豎靜吹笛。歸牛爭下山。詩人愛秋色。薄暮未懷還。

月寒四望臺晚眺

高邱天霽望氤氳。百里平原苜蓿薰。野色蒼茫寬似海。山光縹緲澹于雲。白羊幾隊眠寒草。紅葉千枝映夕曛。挹盡流霞詩思壯。揚鞭欲逐驥騏羣。

定山溪舟游五首

舟如天上坐。忽被彩雲圍。萬壑酣秋色。千林燦夕暉。歸

禽穿錦散。落木掠舷飛。突兀仙巖底。停橈拾澗菲。
十里楓林晚。夕陽橋影明。舟摩巖角過。人自畫中行。入
峽層巒迫。隨流一葉輕。高歌者誰子。返響攪泉聲。

六客孤舟裏。秋光放櫂尋。寒苔封石壁。斜日照霜林。溪
轉湍聲急。波澄樹影深。歸禽爭向岫。未識白雲心。
嬋娟四仙女。伴我上蘭舟。容與波間興。宛然天上游。楓
飄紈扇面。蝶點玉搔頭。一抹流霞底。瓊觴獻且酬。

棹入紫雲峽。萬巖紅葉堆。殘陽波尙蘸。落木雨還來。我
愛流觴飲。誰誇奪錦才。滄浪歌一曲。薄暮扣舷回。

歸館後佳人見贈紅葉一瓶

玉潭放櫂夕陽初。倒影溪山畫不如。尤其是佳人心似錦。
膽瓶一朵插紅於。

民中臨去賦呈小倉教授

主人東道善周旋。探得名山與大川。他日快游勞夢寐。
雪峰竹轎錦溪船。

今十月望柳光亭觀月雅集次聽松男原韻二首

後游赤壁憶東坡。水閣陪筵對素娥。碧落星稀飛玉露。
灑江月上湧金波。千秋筆墨遺芳在。歷代風流佳話多。
重對瓊瑤叨報和。才疎奈此木桃何。

白露爲霜落木秋。景蘇詞客會江樓。打魚先促釣詩興。

竹坡遺稿 卷二 五
酌酒又成看月游。逸氣欲追雲上鶴。朗吟忽舞水中蚪。
夜深蟾影明于鏡。墨水直連霄漢流。

又次韻

西風冷于水。吹散滿天陰。落木霜威緊。澄江月色深。客
牽今古感。詩鬪短長吟。仙鶴一聲唳。翛然遺世心。

席上次韻

景蘇韻事愜幽情。江閣來尋鷗鷺盟。夜半何人獨乘興。
月中吹笛泝空明。

探韻得文

碧天如水絕纖雲。明月照江零露紛。玉笛一聲吹入破。

大魚人立出波聞。

同鷗會諸公爲予設古稀壽筵于月地寶家賦謝
致仕身仍健。優游詩作家。尋常餘酒債。七十近年華。賴
有鷗盟好。何嫌馬齒加。熙朝愧空老。翰墨了生涯。

塚原夢舟佐藤六石金枝小峴喜多橘園四賢追

薦筵席上次天隨原韻

高閣招魂夕。鷺鷗茲作羣。齋壇炷香拜。落木隔簾聞。菊
老餘霜色。天陰易夕曛。四賢來髣髴。哀雁叫寒雲。

四國游草

船發浪華

浪華新港口。乘霽上樓船。海市依稀見。煙螺取次遷。賞
秋霞嶼外。懷古屋山前。一醉陶然睡。魂馳四國天。

神戶舟中與三浦學士別

維纜神門近夕曛。柁樓相遇又相分。無涯情緒話難盡。
悵望摩耶山上雲。

內海

指點江山意氣豪。峭帆百里度風濤。源平戰迹知何處。
五劍刺天霜月高。

道後溫泉

日本溫泉此濫觴。古來迎得幾君王。微臣何幸霑餘澤。

來浴瑤池第一湯。

道後逢大癖。畫史喜賦。

久闊相逢進酒籌。喜君筆力老逾遒。豫州仙峽煩東道。

飽賞霜楓萬壑秋。

王母峽十首

石鐵峰南麓。層巒擁一川。插雲巖矗立。噴雪水盤旋。谷

口疑無路。山中別有天。詩人行攬勝。駐杖斷橋前。

籃輿後先喚。十里向仙源。老樹橫巖角。寒雲闕洞門。人

行環麓路。犬吠隔谿村。蕭瑟楓林晚。斷霞鴉背翻。

峽深田畝少。寂寞白雲鄉。夾路山楹碧。懸軒玉黍黃。民

情元素朴。景物不荒涼。淡味澗蔬足。終年無稻粱。
薄暮投山驛。爐邊濁酒傾。開窓窺夜色。欹枕聽溪聲。風
烈燭將滅。衾寒眠不成。游人晨起早。林鴿正呼晴。
杲杲朝陽上。游人爭出村。溪橋逢鹿跡。霜徑印鞋痕。萬
樹燦披錦。雙巖屹作門。行行攀古棧。踞石聽潺湲。
林深秋氣冷。伐木響丁丁。來探溪上勝。忽遭猿鶴迎。乾
坤無一穢。物象有餘清。黃葉紅蘿路。人乘筍篲行。
高下麇麇路。人稀晝寂然。古苔青滿地。喬木綠參天。秋
熟千林菓。巖懸百道泉。王維畫中景。披在白雲前。
石槌山直下。鼇背水噴珠。怪石欹將落。瘦藤僵未枯。獵

夫追鹿去。谷鳥入雲呼。秋老游人少。蕭條茅店孤。

幽峽路窮處。蓬蓬雲作堆。入林穿窄窾。躡石上崔嵬。一
水奔騰去。萬峰飛舞來。絕巔凝遠目。海色片帆開。

豫州王母峽。勝概世希聞。亂瀑雷霆吼。層巖虎豹羣。山
河鍾淑氣。造化鬪奇文。鬱鬱參天樹。千年免斧斤。

自九萬抵高知途上

乘曉出仙峽。霜嚴楓葉丹。逶迤山百轉。高下路千盤。林

盡雲容變。天晴海色寬。行知佐川近。芸閣聳崇巒。

佐川有田中青

山伯圖
書館

浦戶灣漁遊二首

仙坡遺稿 卷三 五
桂浦明如鏡。舟凌倒景來。迴繞魚隊亂。投網浪紋開。紅
袖尊前侍。銀鱸盤上堆。忘機遊半日。一任白鷗猜。
五臺山下浦。載妓木蘭舟。雲嶂凝青黛。煙波接素秋。相
呼十網放。忽見萬魚收。老杜東津興。爭如此壯游。

得月樓宴集二首

海門帆影澹。暮色漸蒼然。洲渚收煙未。樓臺得月先。雪
兒擎玉盞。詞客劈花箋。吸盡杯心影。吟憑畫檻前。
高樓水一方。華木夾修廊。月動江山色。妓凝時世粧。膾
絲欺雪白。竹葉撥醅香。興逸忘歸去。重登翰墨場。

大猷室土岬五首

土州東更東。岬角石巖崧。入海山根盡。蹴天濤勢雄。鵬
程層漢外。鷲影亂雲中。知有珊瑚窟。晴暎特地紅。

山勢峭如削。蒼茫水接天。靈區談八勝。佛蹟說千年。蜃
氣海成市。鼉身濤撼船。巖頭長嘯者。莫是李青蓮。

返照紅將沒。重溟望杳茫。龍潭連鰐窟。佛屋接漁莊。潮
暖桄榔岸。風腥魚蟹鄉。紀公留日記。千古麗文章。

空海參禪跡。地清風物殊。巉巖千仞聳。洞窟一龕孤。橘
實聯蒼玉。榕根垂白鬚。四來善男女。香火滿靈區。

岬角燈臺屹。孤高薄太清。魚龍渾斂影。星月欲輸明。虹
彩射千里。電光輝八瀛。舟師來往穩。暗夜定航程。

琴浦

十里青松路。蜿蜒龍影斜。汀平沙似雪。風起浪生花。人語舟中市。鷗鄰水上家。團臍秋正熟。茅店酒堪賒。

津呂港

野中兼山先生所築

疏鑿知何代。灣深擁海門。魚鹽生計裕。日夕市聲喧。巷

接蒹葭岸。橋通橘柚村。碩儒鴻業跡。歷歷至今存。

高知

海南形勝地。自古出名流。創業藩功大。勤王士氣迺。慨慷論國事。深遠見邊籌。鬪犬時時戲。民風壯一州。

大步危小步危

峽邃雙崖逼。巖巒鬪險巖。馬過山腹路。猿挂澗頭枝。石滑人人戒。沙崩步步危。放舟秋已老。錦障幾遷移。

長尾雨山來迎

千里故人至。停車峭壁前。提攜攀險阪。山水喜奇緣。石瀨霜鱗躍。楓巖雲錦連。隨流放輕舸。詩思涌如泉。

德島

南海名都會。長衢似浪華。眉山新月挂。渭水畫橋斜。香火林間寺。管絃江上家。綺筵須快飲。歌妓艷於花。

大阪山

百折羊腸路。山巔阿讚分。崖敲堆怪石。海近澆浮雲。帆

仙坡遺稿 卷三
影林梢挂。濤聲澗底聞。源平當日役。廷尉此屯軍。

屋島

屋山連碧海。草木鬱蒼蒼。鶴駕新巡地。龍舟古戰場。蟲沙歸逝水。陵谷幾斜陽。無限榮枯事。臨風感慨長。

白峰陵

播遷南海地。九歲淚空吞。花感黃袍色。經留碧血痕。宸宮遙騁夢。奎藻幾傷魂。懷古我來拜。山陵松柏尊。

栗林公園

窈窕紫雲麓。名園畫景開。潭心魚潑刺。林下鶴徘徊。楓葉涵寒水。松釵點綠苔。懷哉疇昔宴。掬月舉螺杯。

後樂園

百尺烏城下。名園淨絕塵。亭臺流水遶。泉石古苔勻。不
弄剪裁巧。始看風景真。仙寰應卽是。雙鶴與人馴。

岡山宿妹婿家

來訪听江宅。夫妻倒屣迎。遠山凝黛色。淺水遞琴聲。異
境十年別。同根一夜情。江湖談不盡。對酌坐深更。

題鹿岡雙巖前寫真

千仞雙巖峭壁前。髯翁望海氣昂然。高歌欲跨靈鼈背。

莫是三生李謫仙。

青厓先生

似同游諸君子五首

清時策經濟。餘事擅風流。愛客襟懷淡。崇文氣品優。二

句探勝景。四國了周游。我有煙霞癖。緣君得始酬。

聽松男爵

高懷容後輩。誘掖不曾休。詩聖杜工部。書癡李鄴侯。三

臺俱攬勝。四國又陪遊。絳帳懇垂教。春溫敬日樓。

青厓先生

我與香城子。賞秋南海天。溪山轎同駕。亭榭席相聯。詩

趁陶彭澤。畫宗王輞川。歸來一揮灑。雙美世應傳。

香城

眼見雲煙妙。胸藏邱壑奇。飄零離故土。造化有餘師。萬

幅丹青就。四方聲譽馳。老來圓熟技。不減虎頭痴。

大璧

南海快男子。闡幽心不閒。平生侶猿鶴。身世寄溪山。盛

說巖巒勝。那辭梯棧艱。謝君東道意。教我破天慳。

鐵山

南洲庵小集賦呈蔗庵總督

霜後芝山落木時。重邀嘉客進清卮。昨遊在夢難忘得。

欣讀東門唱和詩。

是夕見贈東閣唱和集

十二月念二日大籟閣招邀次韻聽松男爵原唱
醉入君家翰墨林。不知窗外霰霜深。縹囊細帙芸香迸。
正見平生尙古心。

席上分韻得肴

談入風流塵念拋。朝官野客膝相交。忘年須酌銷寒酒。
春信已回梅柳梢。

春雷已回耕野耕

知人風氣強念請時官裡客無麻交忘半珍隨從寒酉

淑土介歸野修

五良平坐尚古心

朝人孫家前墨林不眠商長新書對縣臺勝對芝香振

十二日念二日大開開開開開開開開開開開開開開開

州歸東門即味精

開即味精
以老與開東

肅對芝山蒼木初重滋嘉容無術包和義亦卷難忘辨

仙坡遺稿卷三終

單位	特	藏	組
來源	楊雲萍	教授	贈
登記	92	7.02	

國立臺灣大學圖書館



2 2 4 8 3 0 4